

U nga chavi ...



**bible society**  
of south africa

## Ndzi na wena

Mikarhi yin'wana hinkwerhu ha chava swi nga ri na mhaka leswaku hi tinhenha kumbe hi vakulukumba ku fika kwihi. Hi etlela hi pfule mahlo nivusiku hi ku vilela mayelana na makhombo lama hi xungetaka no chava swo tlula sweswo. Kasi Xikwembu xi rhurisa miehleketo ya hina etindhawini to tala eBibeleni.

Mi nga chavi, hikuva ndzi na n'wina,  
mi nga rhurhumeli, hikuva ndzi  
Xikwembu xa n'wina;  
ndzi ta mi tiyisa, ndzi mi pfuna,  
ndzi mi hlulela valala hi voko ra mina.

ESAYA 41:10

“Mi nga tshuki mi chava lava dlayaka miri, va ri hava matimba yo dlaya moya; kambe chavani loyi a nga ni matimba yo lovisa moya ni miri wa munhu eTiheleni.

“Xana swindzingiri swimbirhi a swi xaviwi hi sente yin'we ntsena ke? Kasi a ku nga wi ni xin'we xa swona ehansi, Tata wa n'wina a nga swi tivi. Loko mi ri n'wina, hambu yi ri misisi ya tinhloko ta n'wina yi hlayiwile hinkwayo. Hikokwalaho mi nga chaveni, mi tlula swindzingiri leswo tala hi nkoka.”

MATEWU 10:28-31

## Bibele yi hi tshembisa hi nhlayiseko wa rirhandzu ra Xikwembu

Rivoni ra mina ni muponisi wa mina  
i HOSI Xikwembu,  
xana i mani la nga ndzi chavisaka xana?  
HOSI Xikwembu i khokholo ra vutomi  
bya mina,  
xana i mani loyi ndzi nga n'wi  
chavaka xana?

PISALEMA 27:1

“Mi nga chavi, naswona mi nga  
rhurhumeli,  
hikuva mina ndzi mi byerile timhaka  
leti ku sukela khale, ndzi tlhela  
ndzi mi hlamusela.

N’wina mi timbhoni ta mina!  
Xana xikwembu xin’wana xi kona  
ehandle ka mina xana?

Ku hava un’wana loyi a nga ‘Ribye ra  
vutumbelo’, a ndzi tivi na un’we!”

ESAYA 44:8

## Tshembela eka vunene bya Xikwembu

We HOSI, rirhandzu ra wena ri fika  
ni le matilweni,  
ku tshembeka ka wena ku tlakukile  
ku fika emapapeni.

Ku lulama ka wena ku fana ni  
tintshava letikulu,  
ku avanyisa ka wena ku entile kukota  
swidziva swa lwandle,  
we HOSI, u hlayisa vanhu ni swiharhi.

We Xikwembu, rirhandzu ra wena lero  
tshembeka ri tsakisa ngopfu,  
vanhu hinkwavo va tumbela ehansi  
ka timpapa ta wena.

Va hanya endzalweni ya leswi u va  
phamelaka swona;  
u va nwise ni mati layo nandziha  
enambyeni wa wena,  
hikuva hi wena u nga xihlovo lexi xi hi  
nyikaka vutomi,  
kutani hi voningiwa hi ku  
vonakala ka wena.

We HOSI, u nga tshiki ku komba  
rirhandzu ra wena lero tshembeka  
eka lava va ku tivaka,  
u nga karhali ku lwela vanhu va  
timbilu leto lulama.

PISALEMA 36:5-10

Kambe Hosi ya tshembeka: Yi ta mi tiyisa  
ni ku mi sirhelela eka Lowo biha.

II VATESALONIKA 3:3

“HOSI a yi mi katekise,  
yi mi hlayisa;  
HOSI a yi mi amukele hi ku tsaka,  
yi mi twela vusiwana;  
HOSI a yi mi langute hi tintswalo,  
yi mi nyika ku rhula.”

TINHLAYO 6:24-26

**\*Tindzimana ta matsalwa ti huma eka  
Bibele ya Xitsonga ya 1989.**



Yi kandziyisiwile no hangalasiwa hi  
Vandla ra Bibele ra Afrika-Dzonga.

[www.biblesociety.co.za](http://www.biblesociety.co.za)



BibleSA.co.za

**BibleSA**

Bibles and audio Bibles are  
available on the **BibleSA app**.